

Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, koje zastupa ministar Admir Katica (u daljem tekstu: Kupac) i**
2. **„WISE TECHNOLOGIES“ d.o.o. Sarajevo, Pijačna 14k, ID broj 4201281190008, koje zastupa direktor Bruno Stanić (u daljem tekstu: Dobavljač)**

zaključili su:

UGOVOR O NABAVCI SOFTVERA

PREDMET UGOVORA

Član 1.

Predmet ugovora je nabavka softvera za e-grunt za potrebe Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, a na osnovu Odluke o pokretanju postupka broj 01-11-4-6011 od 19.10.2022. godine.

Ponuda dobavljača broj 11-01-22 od 01.11.2022. godine i Odluka o pokretanju postupka broj 01-11-4-6011 od 19.10.2022. godine, čine sastavni dio ovog Ugovora.

CIJENA

Član 2.

Vrijednost ugovora za nematerijalna prava iz člana 1. ovog Ugovora, iznosi 7020,00 KM sa PDV-om (sedamhiljadadvaeset i 00/100 KM).

NAČIN PLAĆANJA

Član 3.

Kupac će Dobavljaču izvršiti plaćanje ugovorene vrijednosti iz člana 2. ovog Ugovora u roku od 7 dana od dana dostavljanja fakture i instalacije softvera, obuke i puštanja programa.

ROK ISPORUKE

Član 4.

Dobavljač se obavezuje da će isporuku izvršiti u roku od 30 (trideset) dana od obostranog potpisivanja ugovora, a prema uslovima iz prihvaćene ponude.

U slučaju kašnjenja u isporuci, do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti ovog ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti predmeta narudžbe. Odabrani dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od strane Kupca.

Član 5.

Sve naknadne troškove nastale nakon isporuke softvera, a koje se odnose na zamjenu oštećenog kao i neodgovarajućeg kvaliteta koje je potrebno zamijeniti, osim šteta koje izazovu operateri Kupca, ili koji nastanu njihovim uticajem, snosit će Dobavljač i sve takve eventualne isporuke bit će za Kupca besplatne i isporučene.

ZABRANA ZAPOŠLJAVANJA

Član 6.

Dobavljač nema pravo da zapošljava, u svrhu izvršenja Ugovora o nabavci, fizička ili pravna lica koja su učestvovala u pripremi zahtijeva za dostavu ponude ili su bila u svojstvu člana ili stručnog lica koje je angažovao Kupac za dodjelu navedenog Ugovora o javnoj nabavci, najmanje šest mjeseci po zaključenju Ugovora.

ODGOVORNOST I VIŠA SILA

Član 7.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova konačno rješenje će donositi nadležni sud u Sarajevu.

Član 8.

Ovaj ugovor se zaključuje na period do okončanja isporuke i stupa na snagu danom obostranog potpisivanja.

U slučaju neispunjenja ugovorenih uslova, kupac zadržava pravo jednostranog raskida ugovora uz korištenje instrumenata obezbjeđenja ugovora.

Član 9.

Ovaj ugovor je sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

DOBAVLJAČ
„WISE TECHNOLOGIES „ d.o.o. Sarajevo

KUPAC
MINISTARSTVO UNUTRAŠNJIH POSLOVA
KANTONA SARAJEVO

direktor
Bruno Stanić

ministar
Admir Katica

Datum: 24.11.2022
Broj: 01-11/22

Datum: 22.11.2022. godine
Broj: 01-11-4-6011-2